

# JAWAPAN

PELAJARAN  
**8**

## Penciptaan Manusia Bukti Kekuasaan Allah SWT

1. Murid baca dengan bertajwid
2. Dialah yang menciptakan kamu daripada tanah, kemudian daripada (setitis) air benih, kemudian daripada sebuku darah beku, kemudian dari seketul daging; kemudian Dia mengeluarkan kamu berupa kanak-kanak; kemudian kamu (dipelihara) hingga sampai ke peringkat umur dewasa; kemudian kamu (dipanjangkan umur) hingga sampai menjadi tua dan (dalam pada itu) ada di antara kamu yang dimatikan sebelum itu. (Allah melakukan kejadian yang demikian) supaya kamu sampai ke masa yang ditentukan (untuk menerima balasan) dan supaya kamu memahami (hikmat-hikmat kejadian itu dan kekuasaan Tuhan).
3. (a) Nutfah  
(b) Alaqah  
(c) Mudghah  
(d) Janin
4. (a) Anak-anak belajar bercakap, berjalan, bermain dan bergaul dengan persekitaran mereka  
(b) Mereka mula ditaklifkan Allah SWT, bertanggungjawab dengan apa-apa yang dilakukan berpandukan aturan syariat  
(c) Manusia mencapai tahap kematangan akal yang sempurna  
(d) Daya fizikal mereka semakin lemah, namun pengalaman hidup yang telah dilalui sangat berharga  
(e) Kematian menyedarkan kita untuk memanfaatkan kehidupan dengan perkara yang memberikan kebaikan kepada diri sendiri dan orang lain
5. (a) Kita hendaklah yakin bahawa Allah SWT Maha Berkuasa mencipta manusia dengan sangat sempurna agar kita menjadi hamba yang bertakwa  
(b) Kita hendaklah menghargai anggota badan ciptaan Allah SWT  
(c) Kita hendaklah menjadi hamba Allah SWT yang sentiasa bersyukur agar tidak termasuk dalam golongan yang kufur dengan nikmatnya  
(d) Kita hendaklah mengakui bahawa anatomi tubuh manusia diciptakan dengan fungsi yang tersendiri bahkan saling melengkapi.

### 6. Aktiviti murid

#### POWER PT3

##### Bahagian B

1. (a) (i) manusia  
(ii) rahim  
(iii) kehidupan  
(iv) dewasa  
(b) Sentiasa melakukan kebaikan dengan ikhlas agar tidak mudah berputus asa apabila menghadapi kegagalan  
(c) Saya akan menggunakan waktu siang untuk pergi ke sekolah dan beraktiviti bersama rakan-rakan seperti beriadah, manakala pada waktu malam pula saya akan memperbanyakkan ibadah, berehat, meluangkan masa bersama keluarga dan mengulang kaji pelajaran. Kesimpulannya, saya akan mengisi masa dengan sebaiknya bersesuaian dengan fungsi kejadian siang dan malam

#### POWER KBAT

1. Kehidupan manusia tidak berakhir di dunia sahaja. Manusia akan dikembalikan di akhirat setelah mati untuk dihisab dan dihitungkan amalan sama ada berjaya atau sebaliknya bergantung kepada amalan di dunia. Jika di dunia banyak amalan soleh dan baik dilakukan seperti banyak beramal, berbuat baik sesama insan dan sebagainya, maka pembalasan yang akan diberikan adalah kejayaan.
2. Kejadian siang dan malam membuktikan kekuasaan Allah SWT dalam mengatur alam untuk kesejahteraan makhluk-makhluk-Nya. Selain itu, dengan meneroka seluruh dunia juga akan membuatkan seseorang dapat membuat pemerhatian dan berfikir tentang kekuasaan Allah. Oleh itu, kita hendaklah sentiasa beramal soleh dan melakukan perkara yang berfaedah untuk memanfaatkan masa yang diberikan dengan melihat kebesaran kuasa Allah SWT.
3. Semua kejadian alam melalui kekuasaan Allah yang terdapat di sekeliling kita adalah untuk kesenangan dan kesejahteraan hidup manusia. Kebaikan daripada ibadah yang kita lakukan seperti bersungguh-sungguh menuntut ilmu akan pulang kepada diri kita sendiri sebagai pahala dan keredaan daripada-Nya jua. Dengan mendapat keredaan hidup dari Allah akan memberi kejayaan kepada murid dalam pelajaran. Oleh itu, kita hendaklah menjaga amalan ibadah kita agar Allah memberi kita kejayaan dalam pelajaran.